

四庫全書

集部

欽定四庫全書

集部

花菴詞選卷二

詳校官編修

臣

周瓊

侍讀

臣

孫球覆勘

總校官知縣

臣

繆琪

校對官中書

臣

宋枋遠

謄錄監生

臣

王宮

欽定四庫全書

集部十

花菴詞選

詞曲類二 詞選之屬

提要

臣等謹案花菴詞選十卷續集十卷宋黃昇輯
昇字叔暘號玉林又號花菴詞客以所居有玉
林又有散花菴也毛晉刻六十家詞以昇作昞
以叔暘作叔陽而諸本實多作黃昇考此書舊
傳刊本又題曰黃昞而詩人王楙前有昇序

世所傳翻刻宋本猶鈎摹當日手書亦作黃
曷檢此書序末尚有當時姓名小印實作曷
字蓋許慎說文昇字篆文作曷昇特以篆體
署名故作曷字晉不考六書妄改為昇殊為
舛謬至叔陽乃盧炳之字炳即作哄堂詞者
晉乃移而為昇之字蓋桃僊李代矣此乃所
選南宋詞人之作自康輿之至洪璚凡八十
八家而以己作附錄於末共七百五十餘首

即所稱中興以來絕妙詞選者是也其意蓋
欲以繼趙宏祚花間集曾慥樂府雅詞之後
故蒐羅頗廣又於作者姓氏下各綴數語畧
具始末亦足以資考核惟所裒詞人祇有此
數而自序乃云得數百家則未免夸詞非其
實耳昇論詞最服膺姜夔故所錄多典雅清
俊非草堂詩餘專取俗體者可比又草堂詩
餘刻本多訛字及失名者而此猶舊帙於彼

此並收之作亦可互相參證云乾隆四十六
年九月恭校上

總纂官臣紀昀臣陸錫熊臣孫士毅

總校官臣陸費墀

花菴詞選序

長短句始於唐盛於宋唐詞具載花間集宋詞多見於
曾端伯所編而復雅一集又兼采唐宋迄於宣和之季
凡四千三百餘首吁亦備矣況中興以來作者繼出及
乎近世人各有詞詞各有體知之而未見見之而未盡
者不勝算也暇日裒集得數百家名之曰絕妙詞選佳
詞豈能盡錄亦嘗鼎一臠而已然其盛麗如游金張之
堂妖冶如攬牆施之袪悲壯如三閭豪俊如五陵花前

月底舉盃清唱合以紫簫節以紅牙飄飄然作騎鶴揚
州之想信可樂也親友劉誠甫謀刊諸梓傳之好事者
此意善矣又錄予舊作數十首附於後不無珠玉在側
之媿有愛我者其為刪之淳祐己酉百五玉林

欽定四庫全書

花菴詞選卷一

宋 黃昇 輯

唐詞

凡看唐人詞曲當看其命意造語工緻處蓋語簡而意深所以為奇作也

李太白

名白號青蓮居士賀知章號之為謫仙

菩薩蠻

二詞為百代詞曲之祖

平林漠漠煙如織
寒山一帶傷心碧
暝色入高樓
有人樓上愁
玉階空佇立
宿鳥歸飛急
何處是歸程
長亭

連短亭

憶秦娥

簫聲咽秦娥夢斷秦樓月秦樓月年年柳色霸陵傷別
樂遊原上清秋節咸陽古道音塵絕音塵絕西風殘
照漢家陵闕

清平樂令

翰林應制 按唐呂鵬遏雲集載應
制詞四首以後二首無清逸氣韻疑

非太白
所作

禁庭春晝鶯羽披新繡百草巧求花下鬪只睹珠璣滿

斗 日晚却理殘粧御前閒舞霓裳誰道腰支窈窕折
旋消得君王

又

禁闈秋夜月探金窻罈玉帳鴛鴦噴沉麝時落銀燈香
爇 女伴莫話孤眠六宮羅綺三千一笑皆生百媚宸
遊教在誰邊

清平調辭

沈香亭應制

古詞多只四句

名花傾國兩相歡長得君王帶笑看解釋春風無限意

沈香亭北倚闌干

又

一枝紅艷露凝香
雲雨巫山枉斷腸
借問漢宮誰得似
可憐飛燕倚新粧

又

雲想衣裳花想容
春風拂檻露華濃
若非羣玉山頭見
會向瑤臺月下逢

白樂天

名居易號香山居士

長相思

閨怨二詞非後世作者所及

深畫眉淺畫眉
蟬鬢鬢雲滿衣
陽臺行雨迴
巫山
高巫山低暮雨
瀟瀟郎不歸
空房獨守時

又

此詞上四句皆談錢塘景

汴水流泗水流
流到瓜州古渡頭
吳山點點愁
思悠
悠恨悠悠
恨到歸時方始休
月明人倚樓

王建

有宮詞百首甚工

古調笑

團扇團扇美人竝來遮面玉顏顚顚三年誰復商量管
絃絃管絃管春草昭陽路斷

又

蝴蝶蝴蝶飛上金花枝葉君前對舞春風百葉桃花樹
紅紅樹紅樹燕語鶯啼日暮

又

羅袖羅袖飄舞春風已舊遙看歌舞玉樓好日新粧坐
愁愁坐愁坐一世虛生虛過

又

楊柳楊柳日暮白沙渡口船頭江水茫茫商人少婦斷
腸腸斷腸斷鷓鴣夜來失伴

三臺令

一名翠華引

池北池南草綠殿前殿後花紅天子千秋萬歲未央明
月清風

又

魚藻池邊射鴨芙蓉苑裏看花
日色赭黃相似不著紅鸞扇遮

徐昌圖

木蘭花令

沈檀烟起盤紅霧一翦霜風吹繡戶
漢宮花面學梅粧謝女雪詩裁柳絮
長垂天幕孤鸞舞旋炙銀笙雙鳳
語紅窻酒病對寒水永覺相思無夢處

張志和

字子同婺州金華人居江湖自稱烟波釣徒
著玄真子亦以為號每垂釣不設餌志不在
魚也

漁歌子五首

極能道漁家之事

西塞山前白鷺飛桃花流水鱖魚肥青箬笠綠蓑衣斜
風細雨不須歸

又

金史四庫全書
卷一
青草湖中月正圓
巴陵漁父棹歌連釣車子
楓頭船樂
在風波不用仙

又

松江鱖舍主人歡
菰飯蓴羹亦共食
楓葉落荻花乾
醉宿漁舟不覺寒

又

雪溪灣裏釣漁翁
舴艋為家西復東
江上雪浦邊風笑
看荷衣不歎窮

又

釣臺漁父褐為裘兩兩三三舴艋舟能縱棹慣乘流長
江白浪不須憂

溫庭筠

詞極流麗宜為花間集之冠

菩薩蠻

小山重疊金明滅鬢雲欲度香腮雪懶起畫蛾睂弄粧
梳洗遲照花前後鏡花面交相映新著綺羅襦雙雙

金鷄鳴

又

南園滿地堆輕絮
愁聞一霎清明雨
雨後却斜陽杏花
零落香無言勻睡
臉枕上屏山掩時
節欲黃昏無聊獨
倚門

又

翠翹金縷雙鸚鵡
水文細起春池碧
池上海棠梨雨晴
紅滿枝
繡衫遮笑靨
烟草粘飛蝶
青瑣對芳菲
玉闌

音信稀

又

水精簾裏玻璃枕暖香惹夢鴛鴦錦江上柳如烟鴈飛
殘日天藕絲秋色淺人勝參差翦雙鬢隔香紅玉釵
頭上風

更漏子

柳絲長春雨細花外漏聲迢遞驚塞雁起城烏畫屏金
鷓鴣香霧薄透簾幕惆悵謝家池閣紅燭背繡簾垂

夢長君不知

又

玉爐香紅蠟淚偏照畫堂秋思
睂翠薄鬢雲殘夜長衾
枕寒梧桐樹三更雨不道離情正苦
一葉葉一聲聲
空階滴到明

又

背江樓臨海月城上角聲鳴咽
堤柳動島烟昏兩行征
鴈分京口路歸帆渡正是芳菲欲度
銀燭盡玉繩低

一聲村落雞

又

星斗稀鐘鼓歇簾外曉鶯殘月蘭露重柳風斜滿庭堆
落花 虛閣上倚闌望還似去年惆悵春欲暮思無窮
舊歡如夢中

清平樂令

洛陽愁絕楊柳花飄雪終日行人恣攀折橋下水流鳴
咽 上馬爭勸離觴南浦鶯聲斷腸愁殺平原年少回

首揮淚千行

河傳

湖上閒望雨蕭蕭
烟浦花橋路遙
謝娘翠娥愁不銷
終朝夢魂迷晚潮
蕩子天涯歸棹遠
春已晚
鶯語空腸斷
若耶溪溪水西
柳堤不聞郎馬嘶

韋莊

西蜀宰相

菩薩蠻

洛陽城裏春光好洛陽才子他鄉老柳暗魏王隄此時
心轉迷桃花春水綠水上鴛鴦浴凝恨對殘暉憶君
君不知

又

人人盡說江南好遊人只合江南老春水碧於天畫船
聽雨眠壚邊人似月皓腕凝霜雪未老莫還鄉還鄉
須斷腸

應天長

金史口乃人三言一
卷一
綠槐陰裏黃鶯語深院無人春晝午畫簾垂金鳳舞寂
寞繡屏香一縷碧天雲無定處空有夢魂來去夜夜
綠窻風雨斷腸君信否

清平樂令

野花芳草寂寞關山道柳吐金絲鶯語早惆悵香閨暗
老羅帶悔結同心獨凭朱欄思深夢覺半床斜月小
窻風觸鳴琴

謁金門

空相憶無計得傳消息天上嫦娥人不識寄書何處覓
新睡覺來無力不忍看伊書迹滿院落花春寂寂斷
腸芳草碧

小重山

一閉昭陽春又春夜寒宮漏永夢君恩卧思陳事暗銷
魂羅衣濕紅袂有啼痕歌吹隔重閣遠庭芳草綠倚
長門萬般惆悵向誰論凝情立宮殿欲黃昏

木蘭花令

獨上小樓春欲暮望斷玉關芳草路消息斷不逢人却
斂細睂歸繡戶坐看落花空歎息羅袂濕斑紅淚滴
千山萬水不曾行魂夢欲教何處覓

薛昭蘊

浣溪沙

握手河橋柳似金蜂鬚輕惹百花心蕙風蘭思寄清琴
意滿便同春水滿情深還似酒盃深楚烟湘月兩沈沈

又

傾國傾城恨有餘幾多紅淚泣姑蘇倚風凝睇雪肌膚
吳主山河空落日越王宮殿半平蕪藕花菱蔓滿重
湖

小重山

春到長門春草青玉堦華露滴月朧明東風吹斷紫簫
聲金爐冷簾外曉啼鶯愁極夢難成殘粧和宿淚不
勝情手按裙帶遠花行思君切羅幌暗塵生

又

秋到長門秋草黃
畫梁雙燕去出宮墻
玉簫無復理霓裳
金蟬墜鸞鏡掩休粧
憶昔在昭陽
舞衣紅綬帶綉鴛鴦
至今猶惹御爐香
魂夢斷愁聽漏更長

謁金門

春滿院疊損羅衣
金線睡覺水精簾未捲
簷前雙語燕
斜掩金鋪一扇
滿地落花千片
早是相思腸欲斷
忍教頻夢見

牛嶠

更漏子

南浦情紅粉淚爭奈兩人深意低翠黛卷征衣馬嘶霜
葉飛招手別寸腸結還是去年時節書託鴈夢歸家
覺來江月斜

菩薩蠻

舞裙香暖金泥鳳畫梁語燕驚殘夢門外柳花飛玉郎
猶未歸愁勻紅粉淚睂翦春山翠何處是遼陽錦屏

春晝長

張泌

浣溪沙

枕障熏爐隔繡幃二年終日兩相思
杏花明月始應知
天上人間何處去
舊歡新夢覺來時
黃昏微雨畫簾垂

又

翡翠屏開金幄紅
謝娥無力曉粧慵
錦帷鴛被宿香濃

微雨小庭春寂寞燕飛鶯語隔簾櫳杏花凝恨倚東風

滿宮花

花正芳樓似綺寂寞上陽宮裏鈿籠金鎖睡鴛鴦簾冷
露華珠翠嬌艷輕盈香雪膩細雨黃鶯雙起東風惆
悵欲清明公子橋邊沈醉

江城子

唐詞多無換頭如此詞兩段自是兩首
故兩押情字今人不知合為一首則誤
矣

碧闌干外小中庭雨初晴曉鶯聲飛絮落花時節近清
明睡起卷簾無一事勻面了沒心情

又

浣花溪上見卿卿眼波明黛睂輕高綰綠雲金簇小蜻
蜓好事問他來得麼還笑道莫多情

毛文錫

醉花間

休相問怕相問相問還添恨春水滿塘生鷓鴣還相起

昨夜雨霏霏臨明寒一陣偏憶戍樓人久絕邊庭信

又

深相憶莫相憶相憶情難極銀漢是紅牆一帶遙相隔
金盤珠露滴兩岸榆花白風搖玉佩清今夕為何夕

河滿子

紅粉樓前月照碧紗窻外鶯啼夢斷遼陽音信那堪獨
守香閨恨對百花時節王孫綠草萋萋

更漏子

春夜闌春恨切花外子規啼月人不見夢難憑紅紗一點燈偏怨別是芳節庭下丁香千結宵霧散曉霞輝
梁間雙燕飛

牛希濟

生查子

春山烟欲收天澹星稀小殘月臉邊明別淚臨清曉

語已多情未了回首猶重道記得綠羅裙處處憐芳草

一本無已字

謁金門

秋已暮重疊關山岐路嘶馬搖鞭何處去曉禽霜滿樹
夢斷禁城鐘鼓淚滴枕檀無數一點凝紅和薄霧翠
蛾愁不語

歐陽炯

浣溪沙

落絮殘鶯半日天玉柔花醉只思眠惹窗映竹滿爐烟
獨掩畫屏愁不語斜歌瑤枕髻鬟偏此時心在阿誰

邊

賀聖朝

憶昔花前相見後，只憑纖手暗拋紅豆。人前不解巧傳心事，別來依舊，孤負春晝。碧羅衣上，感金繡、覩對對鴛鴦空裊。淚痕透，想韶顏非久，終是為伊，只恁偷瘦。

玉樓春

日照玉樓花似錦，樓上醉和春色寢。綠楊風送小鶯聲，殘夢不成離玉枕。堪愛晚來韶景甚，寶柱秦箏方再

品青蛾紅臉笑來迎又向海棠花下飲

菩薩蠻

紅爐煖閣佳人睡隔簾飛雪添寒氣小院奏笙歌香風
簇綺羅酒傾金盞滿闌燭重開宴公子醉如泥天街
聞馬嘶

和凝

石晉宰相

採桑子

蝸蟻領上訶梨子繡帶雙垂椒戶閒時競學擣蒲賭荔
支叢頭鞋子紅編細裙窄金絲無事頻睂春思翻教
阿母疑

喜遷鶯

曉月墜宿雲披銀燭錦屏帷建章鐘動玉繩低宮漏出
花遲春態淺來雙燕紅日漸長一線嚴粧欲罷轉黃
鸝飛上萬年枝

薄命女

天欲曉宮漏穿花聲繚繞窓裏星光少
冷霞寒侵帳額殘月光沈樹杪夢斷錦幃空悄悄
強起愁眉小

又一本名

長命女

小重山

春入神京萬木芳禁林鶯語滑蝶飛狂
曉桃凝露妬啼粧紅日永風和百花香
煙鎖柳絲長御溝澄碧水轉池塘
時時微雨洗風光天衢遠到處引笙簧

顧夏

河傳

棹舉舟去波光渺渺不知何處岸花汀草依依雨微鷓鴣相逐飛
天涯離恨江聲咽啼猿切此意向誰說倚
蘭橈獨無慘魂銷小爐香欲焦

一本汀草下有共字

玉樓春

拂水雙飛來去燕曲檻小屏山六扇春愁凝思結眉心
綠綺懶調紅錦薦話別情多聲欲顫玉筋痕畱紅粉
面鎮長獨立到黃昏却怕良宵頻夢見

浣溪沙

春色迷人恨正賒。可堪蕩子不還家。細風輕露着梨花。
簾外有情雙燕颺。檻前無力綠楊斜。小屏狂夢遶天涯。

臨江仙

幽閨小檻春光晚。柳濃花淡。鶯稀舊歡。思想尚依依翠
顰紅斂。終日損芳菲。何事狂夫音信斷。不如梁燕猶
歸。畫堂深處。麝烟微。屏虛枕冷。風細雨霏霏。

孫光憲

南唐詞人

浣沙溪

花漸凋疎不耐風
畫簾垂地晚堂空
墮堦紫蘚舞愁紅
膩粉半粘金靨子
殘香猶煖繡熏籠
蕙心無處與人

同

一本疎作
零晚作滿

又

攬鏡無言淚欲流
凝情半日懶梳頭
一庭疎雨濕春愁

楊柳祇知傷怨別杏花應信損嬌羞淚沾魂斷軫離
憂

又

輕打銀箏墜燕泥斷絲高罨畫樓西花冠間上午牆啼
粉籜半開新竹逕紅苞盡落舊桃蹊不堪終日閉深
閨

菩薩蠻

木棉花映叢祠小越禽聲裏春光曉銅鼓雜蠻歌南人

祈賽多 客帆風正急 茜袖偎檣立 極浦幾回頭 烟波無限愁

又

花冠頻鼓 牆頭翼東方 澹白連窓色 門外早鶯聲 背樓殘月明 薄寒籠醉態 依舊鉛華在 握手送人歸 半拖金縷衣

又

小庭花落無人掃 疎香滿地 東風老 春晚信沈沈 天涯

何處尋 曉堂屏六扇
睂共湘山遠 爭奈別離心
近來 九不禁

魏承班

菩薩蠻

羅衣隱約金泥畫
玳筵一曲當秋夜
聲顫 覩人嬌
雲鬟裊翠翹
酒醺紅玉軟
睂翠秋山遠
繡幌麝烟沈
誰人知兩心

生查子

寂寞畫堂空深夜垂羅幕燈暗錦屏歌月冷珠簾薄
愁恨夢難成何處貪歡樂看看春又來還是長蕭索

漁歌子

柳如眉雲似髮鮫綃霧縠籠香雪夢魂驚鐘漏歇窓外
曉鶯殘月幾多情無處說落花飛絮清明節少年郎
容易別一去音書斷絕

鹿虔扈

臨江仙

金鎖重門荒苑靜
綺窓愁對秋空翠華一去寂無蹤
玉樓歌吹聲斷已隨風
烟月不知人事改
夜闌還照深宮
藕花相向野塘中
暗傷亡國清露泣香紅

閩選

浣溪沙

寂寞流蘇冷繡茵
倚屏山枕惹香塵
小庭花露泣濃春
劉阮信非仙
洞客嫦娥終是月中人
此生無路訪東鄰

鄰

尹鶚

菩薩蠻

隴雲暗合秋天白
俯窓獨坐窺煙陌
樓際角重吹黃昏
方醉歸 荒唐難共語
明日還應去
上馬出門時
金鞭莫與伊

毛熙震

清平樂

春光欲暮
寂寞閒庭戶
粉蝶雙雙穿檻舞
簾卷晚天疎

雨含愁獨倚閨幃玉爐煙斷香微正是銷魂時節東風滿院花飛

菩薩蠻

梨花滿地飄香雪高樓夜靜風箏咽斜月照簾幃憶君和夢稀小窓燈影背無語驚愁態屏掩斷香飛行雲山外歸

又

繡簾高軸臨塘看雨翻荷芰真珠散殘暑晚初涼輕風

度水香 無慘悲往事爭那牽情思光影暗相催等閒
秋又來

更漏子

秋色清河影澹深戶燭寒光暗綃幌碧錦衾紅博山香
炷融 更漏咽蛩鳴切滿院霜華如雪新月上薄雲收
映簾懸玉鉤

又

煙月寒秋夜靜漏轉金壺初永羅幙下繡屏空燈花結

碎紅 人悄悄愁無了思夢不成難曉長憶得與郎期
竊香私語時

李珣

浣溪沙

入夏偏宜淡薄粧越羅衣褪鬱金黃翠鈿檀注助容光
相見無言還有恨幾回拚却又思量月窓香逕夢悠
颺

又

晚出閒庭看海棠風流學得內家粧
小釵橫戴一枝芳
鏤玉梳斜雲鬢膩縷金衣透雪肌
香暗思何事立殘陽

望遠行

露滴幽庭葉落時愁聚蕭娘柳眉
玉郎一去負佳期
水雲迢遞鴈書遲屏半掩枕斜欹
蠟淚無言對垂吟蛩
斷續漏頻移入窓明月鑒空帷

菩薩蠻

迴塘風起波紋細刺桐花裏門斜閉殘日照平蕪雙雙
飛鷓鴣 征帆何處客相見還相隔不語欲魂銷望中
煙水遙

河傳

去去何處迢迢已楚山水相連朝雲暮雨依舊十二峯
前猿聲到客船 愁腸豈易丁香結因離別故國音書
絕想佳人花下對明月春風恨應同

又

春暮微雨送君南浦愁斂雙蛾落花深處啼鳥似逐離
歌粉檀珠淚和臨流更把同心結情哽咽後會何時
節不堪回首相望已隔汀洲艣聲幽

巫山一段雲

唐詞多緣題所賦臨江仙則言仙
事女冠子則述道情河瀆神則詠
祠廟大槩不失本題之意爾後漸
變去題遠矣如此二詞實唐人本
來詞體

如此

有客經巫峽停橈向水湄楚王曾此夢瑤姬一夢杳無
期塵暗珠簾捲香銷翠幄垂西風回首不勝悲暮雨

洒空祠

又

古廟依青嶂行宮枕碧流水聲山色鎖粧樓往事思悠
悠雲雨朝還暮烟花春復秋啼猿何必近孤舟行客
自多愁

韓致堯

名倓昭宗朝翰林學士

浣溪沙

攏鬢新收玉步搖。背燈初解繡裙腰。枕寒衾冷異香焦。
深院不關春寂寂。落花和雨夜迢迢。恨情殘醉却無
憀。

又

宿醉離愁慢髻鬟。六銖衣薄惹輕寒。慵紅悶翠掩青鸞。
羅襪況兼金齒茁。雪肌仍是玉琅玕。骨香腰細更沈
檀。

李中主

名景

望遠行

碧砌花光照眼明
朱扉長日鎮長扃
餘寒欲去夢難成
爐香烟冷自亭亭
遼陽月秣陵砧不傳消息但傳情
黃金臺下忽然驚
征人歸日二毛生

李後主

名煜字重光

虞美人

春花秋葉何時了往事知多少小樓昨夜又東風故國
不堪回首月明中雕欄玉砌應猶在只是朱顏改問
君還有幾多愁恰似一江春水向東流

山花子

萋萋香銷翠葉殘西風愁起綠波間還與韶光共憔悴
不堪看細雨夢回雞塞遠小樓吹徹玉笙寒多少淚
珠何限恨倚闌干

又

手捲珠簾上玉鉤，依前春恨鎖重樓。
風裏落花誰是主？思悠悠。
青鳥不傳雲外信，丁香空結雨中愁。
回首綠波三峽暮，接天流。

烏夜啼

此詞最悽惋所謂亡國之音哀以思

無言獨上西樓，月如鉤。
寂寞梧桐深院鎖清秋。
翦不斷，理還亂，是離愁。
別是一般滋味在心頭。

清平樂

別來春半，觸目愁腸斷。
砌下落梅如雪亂，拂了一身還

滿鴈來音信無憑路遙歸夢難成離恨恰如春草更
行更遠還生

浪淘沙

簾外雨潺潺春意闌珊羅衾不暖五更寒夢裏不知身
是客一晌貪歡獨自莫凭欄無限江山別時容易見
時難流水落花歸去也天上人間

馮延巳

南唐翰林學士

謁金門

風乍起吹皺一池春水閒引鴛鴦香徑裏手按紅杏藥
闌鴨闌干遍倚碧玉搔頭斜墜終日望君君不至舉
頭聞鵲喜

更漏子

夜初長人近別夢覺一牕殘月鸚鵡卧蟪蛄鳴西風寒
未成紅蠟燭彈碁局床上畫屏山綠褰繡幌倚瑤琴
前歡淚滴襟

花菴詞選卷一

欽定四庫全書

花菴詞選卷二

宋 黃昇 輯

宋詞

歐陽永叔

名修號六一居士

朝中措

送劉原父守揚州

平山欄檻倚晴空樓閣有無中
手種堂前楊柳別來幾度春風
文章太守揮毫萬字一飲千鍾
行樂直須年

少尊前看取衰翁

蝶戀花

春晚

庭院深深深幾許楊柳堆烟簾幕無重數
玉勒金鞍遊冶處樓高不見章臺路
雨橫風狂三月暮門掩黃昏
無計畱春住淚眼問花花不語亂紅飛過秋千去

又

春情

海燕雙雙歸畫棟簾幕無風花影頻移動
半醉騰騰春睡重綠鬟堆枕香雲擁
翠被雙盤金縷鳳憶得前春

有箇人人共花裏鶯聲時一弄日斜驚起相思夢

又 初春

南鴈依稀回側陣雪霽牆陰遍覺蘭芽嫩中夜夢餘消
酒困爐香捲穗燈生暈急景流年都一瞬往事前歡
未免縈方寸臘後花期知漸近東風已作寒梅信

又 清明

六曲闌干偎碧樹楊柳風輕展盡黃金縷誰抱鈿箏移
玉柱穿簾海燕雙飛去滿眼遊絲兼落絮紅杏開時

一霎清明雨濃醉覺來鶯亂語驚殘好夢無尋處

浣溪沙

春思

葉底青青杏子垂枝頭薄薄柳綿飛日高深院晚鶯啼
堪恨風流成薄倖斷無消息道歸期托腮無語翠眉
低

又
湖景

湖上朱橋響畫輪溶溶春水浸春雲碧琉璃滑淨無塵
當路遊絲紫醉客隔花啼鳥喚行人日斜歸去奈何

春

又湖上

堤上遊人逐畫船
拍堤春水四垂天
綠楊樓外出秋千
白髮戴花君莫笑
六么催拍盞頻傳
人生何處似尊

前

又春半

青杏園林煮酒香
佳人初試薄羅裳
柳絲搖曳燕飛忙
乍雨乍晴花自落
閒愁閒悶日偏長
為誰消瘦減容

光

採桑子

潁州西湖

羣芳過後西湖好
狼藉殘紅飛絮濛濛
垂柳闌干盡是風
笙歌散盡遊人去
始覺春空垂下簾櫳
雙燕歸來細雨中

又

西湖

荷花開後西湖好
載酒來時不用旌旗
前後紅幢綠蓋隨
畫船撐入花深處
香泛金卮烟雨微微
一片笙歌

醉裏歸

踏莎行

相別

候館梅殘，溪橋柳細，草芳風暖，搖征轡。離愁漸遠，漸無窮，迢迢不斷如春水。寸寸柔腸，盈盈粉淚，樓高莫近危闌倚。平蕪盡處是春山，行人更在春山外。

句意最工

生查子

別恨

含羞整翠鬟，得意頻相顧。鴈柱十三絃，一一春鶯語。嬌雲容易飛，夢斷知何處。深院鎖黃昏，陣陣芭蕉雨。

阮郎歸

踏青

南園春半踏青時
風和聞馬嘶
青梅如豆
柳如眉
日長胡蝶飛
花露重
草烟低
人家簾幕垂
秋千慵困解羅衣
畫梁雙燕棲

訴衷情

眉意

清晨簾幕卷輕霜
呵手試梅粧
都緣自有離恨
故畫作遠山長
思往事
惜流芳
易成傷
擬歌先咽
欲笑還顰
最斷人腸

木蘭花

西湖

西湖南北烟波濶風裏絲簧聲韻咽舞餘羅帶綠雙垂
酒入香腮紅一抹杯深不覺琉璃滑貪看六么花十
八明朝車馬各西東惆悵畫樓風與月

玉樓春

別恨

春山斂黛低歌扇暫解吳鉤登祖宴畫樓鐘動已魂銷
何況馬嘶芳草岸青門柳色隨人遠望欲斷時腸已
斷洛城春色待君來莫待落花飛似霰

漁家傲

小春

十月小春梅蕊綻紅爐暖閣新粧遍錦帳美人貪睡暖
羞起懶玉壺一夜冰漸滿樓上四垂簾不捲天寒山
色偏宜遠風急鴈行吹字斷紅日晚江天雪意雲撩亂
蘇子瞻

名軾號東坡居士晁無咎云東坡詞橫放傑
出自是曲子中縛不住者

念奴嬌

赤壁懷古

大江東去浪淘盡千古風流人物故壘西邊人道是三
國周郎赤壁亂石穿空驚濤拍岸捲起千堆雪江山如
畫一時多少豪傑遙想公瑾當年小喬初嫁了雄姿
英發羽扇綸巾談笑間檣櫓灰飛煙滅故國神遊多情
應笑我早生華髮人生如夢一樽還酹江月

蝶戀花

中春

花褪殘紅青杏小燕子飛時綠水人家遶枝上柳綿吹
又少天涯何處無芳草牆裏秋千牆外道牆外行人

牆裏佳人笑笑漸不聞聲漸杳多情却被無情惱

洞仙歌

公自序云僕七歲時見眉州老尼姓朱忘其名年九十餘自言嘗隨其師入蜀

主孟昶宮中一日大熟主與花藥夫人夜起避暑摩訶池上作一詞朱具能記之今四十年朱已死久矣人無知此詞者獨記其首兩句暇日尋味豈洞仙歌令乎乃為足之云

冰肌玉骨自清涼無汗水殿風來暗香滿繡簾開一點
明月窺人人未寢欹枕釵橫鬢亂起來携素手庭戶
無聲時見疎星度河漢試問夜如何夜已三更金波淡

玉繩低轉但屈指西風幾時來又不道流年暗中偷換

漁家傲

金陵賞心亭送王勝之龍圖王
守金陵視事一日而移南郡

千古龍蟠并虎踞從公一弔興亡處渺渺斜風吹細雨
芳草渡江南父老畱公住公駕飛車凌彩霧紅鸞驂
乘青鸞馭却訝此洲名白鷺非吾侶翩然欲下還飛去

賀新郎

夏景

乳燕飛華屋悄無人桐陰轉午晚涼新浴手弄生綃白
團扇扇手一時似玉漸困倚孤眠清熟簾外誰來推繡

戶枉教人夢斷瑤臺曲又却是風敲竹 石榴半吐紅
巾蹙待浮花浪蘂都盡伴君幽獨穠艷一枝君看取芳
心千重似束又恐被西風驚綠若待得君來向此花前
對酒不忍觸共粉淚兩款款

西江月

公自序云春夜行蘄水中過酒家飲酒
醉乘月至一溪橋上解鞍曲肱少休及
覺已曉亂山蔥蘢不謂
人世也書此語橋柱上

照野瀰瀰淺浪橫空曖曖微霄障泥未解玉驄驕我欲
醉眠芳草可惜一溪明月莫教踏碎瓊瑤解鞍欹枕

綠楊橋杜宇一聲春曉

又感懷

世事一場大夢人生幾度秋涼
夜來風葉已鳴廊看取
眉頭鬢上酒賤常愁客少
月明多被雲妨中秋誰與
共孤光把酒淒然北望

又重九

點點樓頭細雨重重江外平湖
當年戲馬會東徐今日
淒涼南浦莫恨黃花未吐
且教紅粉相扶酒闌不必

看茱萸俯仰人間今古

又

三過平山堂下半生彈指聲中十年不見老仙翁壁上
龍蛇飛動 欲弔文章太守仍歌楊柳春風休言萬事
轉頭空未轉頭時皆夢

滿江紅

東武流盃亭

東武城南新堤固漣漪初溢隱隱遍長林高阜卧紅堆
碧枝上殘花吹盡也與君試向江邊覓問向前猶有幾

多春三之一 官裏事何時畢風雨外無多日相將泛
曲水滿城爭出君不見蘭亭修禊事當時座上皆豪逸
到而今修竹滿山陰空陳迹

水調歌頭

丙辰中秋歡飲達旦大
醉作此篇兼懷子由

明月幾時有把酒問青天不知天上宮闕此夕是何年
我欲乘風歸去只恐瓊樓玉宇高處不勝寒起舞弄清
影何似在人間 轉朱閣低綺戶照不眠不應有恨何
事偏向別時圓人有悲歡離合月有陰晴圓缺此事古

難全但願人長久千里共嬋娟

水調歌頭

快哉亭

落日繡簾捲亭下水連空知君為我新作窓戶濕青紅
長記平山堂上欹枕江南烟雨杳杳沒孤鴻認得醉翁
語山色有無中一千頃都鏡淨倒碧峯忽然浪起
掀舞一葉白頭翁堪笑蘭臺公子未解莊生天籟剛道
有雌雄一點浩然氣千里快哉風

水龍吟

太守閭丘公顯致仕居姑蘇公飲其家
出後房佐酒有懿卿者善吹笛公因賦

此以
贈

楚山修竹如雲異材秀出千林表龍鬚半翦鳳膺微漲
玉肌勻繞木落淮南雨晴雲夢月明風裊自中郎不見
桓伊去後知辜負秋多少聞道嶺南太守後堂深綠
珠嬌小綺窓學弄梁州初遍霓裳未了嚼徵含宮泛商
流羽一聲雲杪為使君洗盡蠻風瘴雨作霜天曉

又
次韻章質夫楊花詞

似花還似非花也無人惜從教墜拋家傍路思量却是

無情有思縈損柔腸困酣嬌眼欲開還閉夢隨風萬里
尋郎去處又還被鶯呼起不恨此花飛盡恨西園落
紅難綴曉來雨過遺踪何在一池萍碎春色三分二分
塵土一分流水細看來不是楊花點點是離人淚

臨江仙

夜飲東坡醒復醉歸來彷彿三更家僮鼻息已雷鳴敲
門都不應倚杖聽江聲長恨此身非我有何時忘却
營營夜闌風靜縠紋平小舟從此去江海寄餘生

南鄉子

九日

霜降水痕收。淺碧粼粼露遠洲。酒力漸消風力軟，颼颼。
破帽多情却戀頭。佳節若為酬。但把金樽斷送秋。萬
事到頭都是夢，休休。明日黃花蝶也愁。

阮郎歸

夏景

綠槐高柳咽新蟬。薰風入舜絃。碧紗窓下水沈烟。暮聲
驚畫眠。微雨過小荷，翻榴花開欲然。玉人纖手掬清
泉。瓊珠碎又圓。

永遇樂

夜登燕子樓夢盼盼因作此詞後秦少遊自會稽入京見東坡坡云久別當

作文甚勝都下盛唱公山抹微雲之詞秦遜謝坡遽云不意別後公却學柳七

作詞秦答曰某雖無識亦不至是先生之言無乃過乎坡云銷魂當此際非柳

詞句法乎秦慚服然已流傳不復可改矣又問別作何詞秦舉小樓連苑橫空

下窺綉轂雕鞍驟坡云十三箇字只說得一箇人騎馬樓前過秦問先生近著

坡云亦有一詞說樓上事乃舉燕子樓空佳人何在空鎖樓中燕晁无咎在座

云三句說盡張建封燕子樓一段事奇哉

明月如霜好風如水清景無限曲港跳魚圓荷瀉露寂

寔無人見統如五鼓錚然一葉黯黯夢雲驚斷夜茫茫
重尋無覓處覺來小園行遍天涯倦客山中歸路望
斷故園心眼燕子樓空佳人何在空鎖樓中燕古今如
夢何曾夢覺但有舊歡新怨異時對南樓夜景為余浩
歎

哨遍

歸去來詞

為米折腰因酒棄家口體交相累歸去來誰不遣君歸
覺從前皆非今是露未晞征夫指予歸路門前笑語喧

童稚嗟舊菊都荒新松暗老吾年今已如此但小窓容
膝閉柴扉策杖看孤雲暮鴻飛雲出無心鳥倦知還本
非有意噫歸去來兮我今忘我兼忘世親戚無浪語
琴書中有真味步翠麓崎嶇泛溪窈窕涓涓暗谷流春
水觀草木欣榮幽人自感吾生行且休矣念寓形宇內
復幾時不自覺皇皇欲何之委吾心去留誰計神仙知
在何處富貴非吾願但知臨水登山嘯詠自引壺觴自
醉此生天命更何疑且乘流遇坎還止

如夢令

為向東坡傳語人在畫堂深處別後有誰來雪壓小橋
無路歸去歸去江上一犁春雨

浣溪沙

荻荻衣巾落棗花村南村北響縑車牛衣古柳賣黃瓜
酒困路長惟欲睡日高人渴漫思茶敲門試問野人

家

牛衣一作牛依

采桑子

多景樓

多情多感仍多病多景樓中樽酒相逢樂事回頭一笑
空 停盃且聽琵琶語慢撚輕攏醉臉春融斜照江天
一抹紅

江神子

送述古

翠蛾羞黛怯人看掩霜紈淚偷彈且盡一尊收淚唱陽
關謾道帝城天樣遠天易見見君難 畫堂新締近孤
山曲闌干為誰安飛絮落花春色屬明年欲棹小舟尋
舊事無處問水連天

又春別

天涯流落思無窮
既相逢却匆匆
攜手佳人和淚折殘
紅為問東風餘幾許
春縱在與誰同
隋堤三月水溶溶
背歸鴻去吳中
回望彭城清泗與淮通
寄我相思千點淚
流不到楚江東

又別意

相逢不覺又初寒
對尊前惜流年
風緊離亭冰結
泪珠圓雪意留君君且住
從此去少清歡
轉頭山下轉頭

看路漫漫玉花翻雲海光寬何處是超然知道故人相
念否携翠袖倚朱闌

菩薩蠻

西湖送述古

秋風湖上蕭蕭雨使君欲去還留住今日謾留君明朝
愁殺人佳人千點泪洒向長江水不用歛雙蛾路人
啼更多

卜算子

黃山谷云坡在黃州作此語意高妙似
非喫烟火食人語非胃中有數萬卷書

筆下無一點塵俗氣孰能至此
居士云缺月刺明微也漏斷暗時也幽

人不得志也獨往來無助也驚鴻賢人
不安也回頭愛君不忘也無人省君不
察也揀盡寒枝不肯棲不偷安於高位
也寂寞吳江冷非所安也此與考槃詩

似相

缺月挂疎桐漏斷人初靜時見幽人獨往來縹緲孤鴻
影驚起却回頭有恨無人省揀盡寒枝不肯棲楓落
吳江冷

昭君怨

誰作桓伊三弄驚破綠窓幽夢新月與愁烟滿江天

金定四庫全書
卷二
欲去又還不去明日落花飛絮飛絮送行舟水東流

行香子

別意

攜手江村梅雪飄裙情何限處處銷魂故人不見舊曲
重聞向望湖樓孤山寺湧金門尋常行處題詩千首
繡羅衫與拂紅塵別來相憶知是何人有湖中月江邊
柳隴頭雲

又

茶

綺席纔終歡意猶濃酒闌時高興無窮共誇君賜初拆

臣封看分香餅黃金縷密雲龍
鬪羸一水功敵千鍾
覺涼生兩腋清風暫留紅袖少却紗籠放笙歌散庭館
靜畧從容

又七里瀨

一葉舟輕雙漿鴻驚水天清影湛波平魚翻藻鑑鷺點
煙汀過沙溪急霜溪冷月溪明
重重似畫曲曲如屏
算當年虛老嚴陵君臣一夢今古空名但遠山長雲山
亂曉山青

王介甫

名安石丞相荆國文公

桂枝香

金陵懷古

登臨送目正故國晚秋天氣初肅千里澄江似練翠峯
如簇征帆去棹殘陽裏背西風酒旗斜矗綠舟雲淡星
河鷺起圖畫難足念自昔豪華競逐歎門外樓頭悲
恨相續千古憑高對此謾嗟榮辱六朝舊事隨流水但
寒烟衰草凝綠至今商女時時猶唱後庭遺曲

漁家傲

極能道閑居之趣

平岸小橋千嶂抱。揉藍一水縈花草。茅屋數間窻窈窕。
塵不到。時時自有清風掃。午枕覺來聞語鳥。欹眠似
聽朝雞早。忽憶故人今摠老。貪夢好。茫茫忘了邯鄲道。

菩薩蠻

集句

數間茆屋間臨水。窄衫短帽垂楊裏。花是去年紅。吹開

一夜風

一本作今日是何朝。看余渡石橋。

稍稍新月偃。午醉醒來晚。

何許最關情。黃鸝三兩聲。

浣溪沙

集句

百畝庭中半是苔
門前古道水縈迴
愛閒能有幾人來
小院回廊人寂寂
山桃野杏兩三栽
為誰零落為誰開

浪淘沙

伊呂

伊呂兩衰翁
歷遍窮通
一為釣叟一耕農
假使當時俱
不過老了英雄
湯武一相逢
風虎雲龍興王只在笑
談中
及至而今
千載下
誰與爭功

千秋歲引

秋景

別館寒砧孤城畫角一派秋聲入寥廓東歸燕從海上
去南來鴈向沙頭落楚臺風庾樓月宛如昨無奈被
些名利縛無奈被它情擔閣可惜風流總閒却當初謾
留華表語而今誤我秦樓約夢闌時酒醒後思量著

王元澤

名雱荆公之子封臨川伯

倦尋芳

露晞向曉簾幙風輕小院閒晝翠徑鶯來驚下亂紅鋪
繡倚危闌登高榭海棠著雨胭脂透算韶華又因循過
了清明時候倦游燕風光滿目好景良辰誰共攜手
恨被榆錢買斷兩眉長皺憶得高陽人散後落花流水
仍依舊這情懷對東風盡成消瘦

王平甫

名安國荆公之弟

點絳脣

秋景

秋氣微涼夢回明月穿簾幕井梧蕭索正遶南枝鵲

寶瑟塵生金鴈空零落情無託鬢雲慵掠不似君恩薄

清平樂

春晚

留春不住費盡鶯兒語滿地殘紅宮錦污昨夜南園風
雨小憐初上琵琶曉來思遶天涯不肯畫堂朱戶春
風自在梨花

減字木蘭花

春情

畫橋流水雨濕落紅飛不起月破黃昏簾裏餘香馬上

聞徘徊不語今夜夢魂何處去不似垂楊猶解飛花
入洞房

林君復

名逋贈和靖先生

長相思

別情

吳山青越山青兩岸青山相送迎誰知離別情君泪
盈妾泪盈羅帶同心結未成江頭潮已平

點絳脣

草

金谷年年亂生春色誰為主餘花落處滿地和烟雨

又是離愁一闋長亭暮王孫去萋萋無數南北東西路

錢思公

名惟演

玉樓春

此詞暮年作詞極悽惋

城上風光鶯語亂城下烟波春拍岸綠楊芳草幾時休
淚眼愁腸先已斷情懷漸變成衰晚鶯鏡朱顏驚暗
換昔年多病厭芳尊今日芳尊惟恐淺

賈子明

名昌朝為仁宗朝宰相謚文元公

木蘭花

平生惟賦此一詞極有風味

都城水綠嬉遊處仙棹往來人笑語紅隨遠浪泛桃花
雪散平堤飛柳絮東君欲共春歸去一陣狂風和驟
雨碧油紅旆錦障泥斜日畫橋芳草路

夏子喬

名疎乃慶厯間所謂一不肖者然文章有名

于世謚文莊公

喜遷鶯令

景德中水殿按舞時公翰林內直上遣中使取新詞公援毫立成以進

大蒙
天獎

霞散綺月垂鈎
簾捲未央樓
夜涼銀漢截天流
宮闕鎖清秋
瑤臺樹金莖
露鳳髓香盤烟霧三千珠
翠擁宸遊水殿接涼州

丁謂之

名謂為真宗朝宰相謚晉公

鳳棲梧

十二層樓春色早三殿笙歌九陌風光好堤柳岸花連
複道玉梯相對開蓬島鶯囀喬林魚在藻太液微波
綠鬪王孫草南闕萬人瞻羽葆後天祝聖天難老

又

朱闕玉城通閭苑月桂星榆春色無深淺簫瑟篴笙仙
客宴蟠桃花滿蓬萊殿九色明霞裁羽扇雲霧為車
鸞鶴駢彫輦路指瑤池歸去晚壺中日月如天遠

寇平仲

名準為真宗朝宰相贈萊國公

踏莎行

春暮

春色將闌鶯聲漸老紅英落盡青梅小
畫堂人靜雨濛濛
屏山半掩餘香裊
密約沈沈離情杳杳
菱花塵滿
慵將照倚樓無語欲銷魂
長空暗淡連芳草

點絳脣

小陌輕寒社公雨足東風慢定巢新燕
濕雨穿花轉

象尺熏爐拂曉停針線
愁蛾淺飛紅零亂側卧珠簾捲

謝希深

名絳仕仁宗朝知制誥

菩薩蠻

詠目

娟娟侵鬢粧痕淺
雙眸相媚彎如翦
一瞬百般宜無論
笑與啼
酒闌思翠被特故
魯騰地生怕促歸輪
微波
先注人

夜行船

別情

昨夜佳期初共翳雲低翠翹金鳳尊前和笑不成歌意
偷轉眼波微送 草草不容成楚夢漸寒深翠簾霜重


相看送到斷腸時月西斜畫樓鐘動

後段語最奇

訴衷情

宮怨

銀缸夜永影長孤香草續殘爐倚屏脉脉無語粉泪不
成珠 雙檠枕百嬌壺憶當初君恩莫似秋葉無情欲
向人疎



花菴詞選卷二

欽定四庫全書

集部

花菴詞選卷三至六

詳校官編修_臣周瓊

侍讀_臣孫球覆勘

總校官知縣_臣繆琪

校對官中書_臣宋枋遠

謄錄監生_臣王宮

欽定四庫全書

花菴詞選卷三

宋 黃昇 撰

宋詞

宋子京

名祁乃張子野所稱紅杏枝頭春意鬧尚書

者也

玉樓春

春景

東城漸覺風光好
穀皺波紋迎客棹
綠楊烟外曉寒輕

紅杏枝頭春意鬧 浮生長恨歡娛少 肯愛千金輕一笑
為君持酒勸斜陽 且向花間留晚照

蝶戀花

情景

綉幕茫茫羅帳捲 春睡騰騰 困入嬌波慢 隱隱枕痕留
玉臉 膩雲斜溜 釵頭燕 遠夢無端 懽又散 汨落胭脂
界 破蜂黃淺 整了翠鬟 勻了面 芳心一寸 情何限

鷓鴣天

子京過繁臺街達內家車子中有繁簾
者曰小宋也子京歸遂作此詞都下傳

唱達于禁中仁宗知之問內人第幾車
子何人呼小宋有內人自陳頃侍御宴

見宣翰林學士左右內臣曰小宋也時
在車子中偶見之呼一聲爾上召子京
從容語及子京皇懼無地上笑
曰蓬山不遠因以內人賜之

畫轂雕鞍狹路逢一聲腸斷綉簾中身無彩鳳雙飛翼
心有靈犀一點通金作屋玉為籠車如流水馬游龍
劉郎已恨蓬山遠更隔蓬山幾萬重

好事近

睡起玉屏風吹去亂紅猶落天氣驟生輕暖襯沈香帷
箔珠簾約住海棠風愁拖兩眉角昨夜一庭明月冷

秋千紅索

顏持約

名博文

西江月

詞簡意高佳作也

草草書傳錦字厭厭夢繞梅花海山無計駐仙槎腸斷
芭蕉影下缺月舊時庭院飛雲到處人家而今憔悴
鬢先華說著多情已怕

陳希元

名堯佐為仁宗朝宰相號知餘子謚文惠公

踏莎行

皇祐中呂公夷簡乞致仕而仁宗因問卿去誰可代者夷簡乃薦堯佐上遂召

還大拜申公生日公作此詞携酒過之申公使之歌申公笑曰只恐捲簾人已

老公曰莫愁調鼎事無功老於廊廟猶蘊藉如此

二社良辰千家庭院翩翩又覩雙飛燕
鳳皇巢穩許為鄰
瀟湘烟暝來何晚
亂入紅樓低飛綠岸
畫梁輕拂歌塵轉
為誰歸去為誰來
主人恩重珠簾捲

范希文

名仲淹謚文正公

蘇幕遮

別恨

碧雲天紅葉地秋色連波波上寒烟翠山映斜陽天接
水芳草無情更在斜陽外黯鄉魂追旅意夜夜除非
好夢留人睡明月樓高休獨倚酒入愁腸化作相思淚

漁家傲

秋思

塞下秋來風景異衡陽鴈去無留意四面邊聲連角起
千嶂裏長烟落日孤城閉濁酒一盃家萬里燕然未

勒歸無計羌管悠悠霜滿地人不寐將軍白髮征夫淚

蘇子美

名舜欽娶杜祁公女坐監進奏院市故紙會
客削籍為民自號滄浪翁善書草聖尤妙

水調歌頭

滄浪亭

瀟洒太湖岸淡佇洞庭山魚龍隱處烟霧深鎖渺瀰間
方念陶朱張翰忽有扁舟急檣撇浪載鱸還落日暴風
雨歸路遶汀灣丈夫志當景盛踴躍間壯年何事惟

金月八
卷三
悴華髮改朱顏擬借寒潭垂釣又恐鷗鳥相猜不肯傍
青綸刺棹穿蘆荻無語看波瀾

王元之

名禹偁翰林學士為太宗嘗稱其文章獨步

當世

點絳脣

感興

雨恨雲愁江南依舊稱佳麗水村漁市一縷孤烟細
天際征鴻遙認行如綴平生事此時凝睇誰會憑欄意

蘇叔黨

名過坡仙李子

點絳脣

此詞作時方禁坡文故隱其名以傳于世今或以為汪彥章所作非也

新月娟娟夜寒江靜山銜斗起來搔首梅影橫窓瘦
好箇霜天閒却傳杯手君知否亂鴉啼後歸興濃如酒

王君玉

名琪仕仁宗朝翰林學士

望江南

江南柳烟穗拂人輕愁黛空長描不似舞腰雖瘦學難
成天意與風情攀折處離恨幾時平已縱柔條繫客
棹更飛狂絮撲旗亭三月亂鶯聲

又

江南雨風送滿長川碧瓦烟昏沈柳岸紅綃香潤入梅
天飄洒正瀟然朝與暮長在楚峯前寒夜愁歎金帶
枕暮江深閉木蘭船烟浪遠相連

又

江南岸雲樹半晴陰帆去帆來天亦老潮生潮落日還
沈南北別離心興廢事千古一沾襟山下孤烟漁市
曉柳邊疎雨酒家深行客莫登臨

張文潛

名耒元祐中為館職與魯直少游无咎號
四學士竝從東坡游

風流子

秋思

亭臯木葉下重陽近又是搗衣秋奈愁入庾腸老侵潘

鬢謾簪黃菊花也應羞楚天晚白蘋烟盡處紅蓼水邊
頭芳草有情夕陽無語鴈橫南浦人倚西樓 玉容知
安否香牋共錦字兩處悠悠空恨碧雲離合青鳥沈浮
向風前懊惱芳心一點寸眉兩葉禁甚間愁情到不堪
言處分付東流

解方叔

名昉

永遇樂

春情

風暖鶯嬌露濃花重天氣和煦院落烟收垂楊舞困無
奈堆金縷誰家巧縱青樓絃管惹起夢雲情緒憶當時
紋衾粲枕未嘗暫孤鴛侶芳菲易老故人難聚到此
翻成輕誤闌苑仙遙蠻牋縱寫何計傳深訴青山綠水
古今長在惟有舊歡何處空贏得斜陽暮草淡烟細雨

程觀過

名過

滿江紅

梅

春欲來時長是與江梅有約還又向竹林疎處一枝開
却對酒漸驚身老大看花應念人離索但十分沈醉祝
東君長如昨芳草渡孤舟泊山歛黛天垂幕黯銷魂
無奈暮雲殘角便好折來和雪戴莫教酒醒隨風落待
殷勤留此寄相思誰堪託

昭君怨

試問愁來何處門外山無重數芳草不知人翠連雲
欲看不忍看心事只堪腸斷腸斷宿孤村雨昏昏

孫濟師

名艤

菩薩蠻

落梅

一聲羌管吹鳴咽
玉溪夜半梅翻雪
江月正茫茫
斷橋流水香
含章春欲暮
落日千山雨
一點着枝酸
吳姬先齒寒

王晉卿

名詵與東坡最善

燭影搖紅

春恨

香臉輕勻黛眉巧畫宮粧淺風流天付與精神全在嬌
波轉早是縈心可慣更那堪頻頻顧盼幾回得見見了
還休爭如不見 燭影搖紅夜闌飲散春宵短當時誰
解唱陽關離恨天涯遠無奈雲收雨散凭闌干東風淚
眼海棠開後燕子來時黃昏庭院

蝶戀花

鐘送黃昏雞報曉昏曉相催世事何時了萬恨千愁人

自老春來依舊生芳草 忙處人多閒處少閒處光陰
幾箇人知道獨上高樓雲渺渺天涯一點青山小

玉樓春

海棠

錦城春色花無數排比笙歌留客住輕寒輕暖夾衣天
乍雨乍晴寒食路花雖不語鶯能語莫放韶光容易
去海棠開後月明前縱有千金無買處

花發沁園春

帝里春歸早先粧點皇家池館園林雛鶯未遷燕子乍

歸時節戲弄晴陰瓊樓珠閣恰正在柳曲花心翠袖艷
衣凭闌干慣聞絃管新音此際相携宴賞縱行樂隨
處芳樹遙岑桃腮杏臉嫩英萬葉千枝綠淺紅深輕風
終日泛暗香長滿衣襟洞戶醉歸訪笙歌晚來雲海沈
沈

踏青遊

春遊

金勒狨鞍西城嫩寒春曉路漸入垂楊芳草過平堤穿
綠逕幾聲啼鳥是處裏誰家杏花臨水依約靚粧斜照

極目高原東風露桃烟島望十里紅圍綠繞更相將
乘酒興幽情多少待向晚從頭記將歸去說與鳳樓人

道

人月圓

元夜

小桃枝上春來早初試薄羅衣年年此夜華燈盛照人
月圓時禁街簫鼓寒輕夜永纖手同携更闌人靜千
門笑語聲在簾幃

李景元

過秦樓

春晚

賣酒壚邊尋芳原上亂花飛絮悠悠已蝶稀鶯散便擬
把長繩繫日無由謾道草忘憂也徒將酒解聞愁正江
南春盡行人千里蘋滿汀洲有翠紅徑裏盈盈侶簇
芳茵禊飲時笑時謳當暖風遲景任相將永日爛漫狂
遊誰信盛狂中有離情忽到心頭向樽前擬問雙燕來
時曾過秦樓

帝臺春

春感

芳草碧色萋萋遍南陌暖絮亂紅也知人春愁無力憶
得盈盈拾翠侶共携賞鳳城寒食到今來海角逢春天
涯倦客愁旋釋還似織泪暗拭又偷滴謾倚遍危欄
儘黃昏也只是暮雲凝碧拚則而今已拚了志則怎生
便忘得又還問鱗鴻試重尋消息

孫巨源

名洙

河滿子

秋怨

悵望浮生急景悽涼寶瑟餘音楚客多情偏怨別碧山
遠水登臨目送連天衰草夜闌幾處疎砧黃葉無風
自落秋雲不雨長陰天若有情天亦老搖搖幽恨難禁
惆悵舊歡如夢覺來無處追尋

菩薩蠻

公於元豐間為翰苑與李端愿太尉往來尤數會一日鎖院宣召者至其家則

出數十輩蹤跡得之於李氏時李新納妾能琵琶公飲不肯去而迫於宣命入

院幾二鼓矣草三制罷作此詞記恨遲明遣示李

樓頭尚有三通鼓何須抵死催人去上馬苦匆匆琵琶

曲未終 回頭凝望處那更廉纖雨謾道玉為堂玉堂
今夜長

石曼卿

名延年 真宗朝為學士死後人有見之者
云我今為仙主芙蓉城

燕歸梁

春愁

芳草年年惹恨幽想前事悠悠傷春傷別幾時休算從
古為風流 春山總把深勻翠黛千疊在眉頭不知供

得幾多愁更斜日凭危樓

晏同叔

名殊以神童出身 仁宗朝宰相謚元獻公

有詞名珠玉集張子野為序

玉樓春

春恨

綠楊芳草長亭路年少拋人容易去樓頭殘夢五更鐘
花底離情三月雨 無情不似多情苦一寸還成千萬
縷天涯地角有窮時只有相思無盡處

破陣子

春景

燕子來時新社
梨花落後清明
池上碧苔三四點
葉底黃鸝一兩聲
日長飛絮輕
巧笑東鄰女
伴采桑徑裏
逢迎
疑怪昨宵春夢好
元是今朝鬪草贏
笑從雙臉生

踏莎行

春景

細草愁烟
幽花泣露
凭欄總是銷魂處
日高深院靜
無人穿簾
海燕雙飛去
帶緩羅衣
香殘蕙炷
天長不禁
迢迢路
垂楊只解惹春風
何曾繫得行人住

又 春思

小徑紅稀芳郊綠遍高臺樹色陰陰見春風不解禁楊
花濛濛亂撲行人面 翠葉藏鶯朱簾隔燕爐香靜逐
遊絲轉一場愁夢酒醒時斜陽却照深深院

更漏子

佳人

薜華濃山翠淺一寸秋波如剪紅日永綺筵開暗隨仙
馭來 遏雲聲迴雪袖占斷曉鶯春柳才送目又顰眉
此情誰得知

又早春

雪藏梅烟着柳依約上春時候初送鴈欲聞鶯綠池波
浪生探花開留客醉憶得去年情味金盞酒玉爐香
任他紅日長

晏叔原

元獻公之暮子自號小山有樂府行于世山
谷為之序稱其詞為高唐洛神之流其下者
不減桃葉團扇云

鷓鴣天

慶厯中開封府與棘寺同日奏獄空仁宗與宮中宴集宣晏叔原作此大稱上

意

碧藕花開水殿涼
萬年枝上轉紅陽
昇平歌管隨天仗
祥瑞封章滿御床
金掌露
玉爐香
歲華方共聖恩長
皇州又奏圜扉靜
十樣宮眉捧壽觴

又 佳會

彩袖殷勤捧玉鍾
當筵拚却醉顏紅
舞低楊柳樓心月
歌盡桃花扇底風
從別後
憶相逢
幾回魂夢與君同

今宵剩把銀缸照，猶恐相逢是夢中。

蝶戀花

別恨

醉別西樓醒不記，春夢秋雲聚散真容易。斜月半窗還少睡，畫屏門展吳山翠。衣上酒痕詩裏字，點點行行總是淒涼意。紅燭自憐無好計，夜闌空替人垂淚。

又
別恨

夢入江南煙水路，行盡江南不與離人遇。睡裏銷魂無說處，覺來惆悵佳期誤。欲盡此情書尺素，浮鴈沈魚

終了無憑據却倚緩絃歌別緒斷腸移破秦箏柱

又深秋

庭院碧苔紅葉遍黃菊開時已近登高宴日日露荷凋
綠扇粉塘煙水明如練試倚涼風醒酒面鴈字來時
恰向層樓見幾點護霜雲影轉誰家蘆管吟秋怨

生查子

閨思

金鞍美少年去躍青驄馬牽繫玉樓人繡被春寒夜
消息未歸來寒食梨花謝無處說相思背面秋千下

又別思

一分殘酒霞兩點愁蛾暈羅幕夜猶寒玉枕春先困
心情翦綠慵時節燒燈近見少別離多還有人堪恨

又閨思

紅塵陌上遊碧柳堤邊住才趁彩雲來又逐飛花去
深深美酒家曲曲幽香路風月有情時總是相逢處

清平樂

春情

波紋碧皺曲水清明後折得疎梅香滿袖暗喜春紅依

舊 歸來紫陌東頭金釵換酒消愁柳影深深細路花
梢小小層樓

滿庭芳

秋思

南苑吹花西樓題葉故園懽事重重凭欄秋思間記舊
相逢幾處歌雲夢雨可憐便流水西東別來久淺情未
有錦字繫征鴻 年光還少味開殘檻菊落盡溪桐謾
留得樽前淡月淒風此恨誰堪說與清愁付綠酒杯中
佳期在歸時待把香袖看啼紅

南鄉子

綠水帶春潮。水上朱欄小渡橋。橋上女兒雙笑靨，天饒。
倚着闌干弄柳條。月夜與花朝。減字偷聲按玉簫。柳
外行人回首處，迢迢若比銀河路。更遙。

阮郎歸

粉痕閉邸玉尖纖。啼紅傍晚奩。舊寒新暖尚相兼。梅疎
待雪添。春冉冉，恨厭厭。章臺對卷簾。箇人鞭影弄涼
蟾。樓前側帽簷。

花菴詞選卷三